



Visoki predstavnik Inzko se sastao sa predsjednikom Nacionalnog vijeća Parlamenta Austrije

Visoki predstavnik Valentin Inzko sastao se danas u Sarajevu sa predsjednikom Nacionalnog vijeća Parlamenta Austrije Wolfgangom Sobotkom. Oni su razgovarali o trenutnoj političkoj situaciji u Bosni i Hercegovini.

Visoki predstavnik je istakao da je “došlo vrijeme da se okončaju politička prepucavanja i da se počnu rješavati pitanja koja se odnose na svakodnevni život građana u BiH. Organi vlasti umjesto da samo pričaju o integraciji u EU treba da istinski urade taj posao, uključujući i sve što je potrebno da se BiH polako izvuče iz međunarodne supervizije. Broj mladih ljudi koji odlaze iz ove zemlje je alarmantan, Ovo pitanje se treba rješavati direktno i bez odlaganja, jer jednako utiče na sve u BiH”.

Visoki predstavnik je iskoristio ovu priliku da zahvali Sobotki za trajnu podršku i privrženost Austrije Bosni i Hercegovini, uključujući i EUFOR.